

爾雅新義

江蘇古籍出版社

爾


雅

新

義

爾雅新義

江蘇古籍出版社



四庫未收書提要

學經室外集卷二

爾雅新義二十卷提要

宋陸佃撰佃有埤雅二十卷四庫全書已著錄伏讀四庫全書總目云爾雅新義僅散見于永樂大典中文句譌闕亦不能排纂成帙案朱彝尊經義考則云未見陳振孫書錄解題云頃在城南傳寫凡十八卷其曾孫子適刻于嚴州者為二十卷是編從宋刻依樣影抄凡二十卷殆卽子適之所刻歟陸宰為其父作埤雅序云注爾雅畢更修此書易名埤雅言為爾雅之輔然二書體例絕然不同此則不若埤雅之貫穿諸書旁通曲證也而自序以為雖使郭璞擁篲清道跂望塵躅可也陳振孫云以愚觀之大率不出王氏之學至句逗亦多不同如釋木樸枹者謂櫬采薪

佃則以謂字絕句注云謂之而後知釋蟲螳蜋蜋佃則以蠶字連下莫辨為句注云蠶老而後眠不知經典釋文讀蠶為他典切又莫辨螳蜋蜋佃則連下文蚘字為句雖本之方言然刑曷已引說文辨其失指惟所據經文乃當時至善之本如釋言揜柱也則作檣柱也皇華也則作華皇也釋天四時和謂之玉燭則作四氣和河鼓謂之牽牛則作何鼓釋邱堂途梧邱則作當途釋水河水清且瀾漪則作瀾漪釋草萍莢則作華莢苧麻母則作苧麻母蕭荻則作蕭荻卷施草則作卷施草獲橐含則作樓橐含釋木座接慮李則作座接慮李釋鳥楊鳥白鶩則作鶩白鶩鳥鵲醜則作鳥鵲醜並足以資考訂亦讀經者之所不廢也

爾雅新義序

萬物汝故有之是書能爲爾正
非能與爾以其所無也名之曰
爾雅以此莊子曰中無主而不
止外無正而不行舊說此書始
於周公以教成王子夏因而廣
之雖不可考然非若周公子夏

不能爲也故予每盡心焉雖其
微言與旨有不能盡然不得爲
不知者也豈天之將興是書以
予贊其始譬如繪畫我爲發其
精神後之涉此者致曲焉雖使
璞擁篲清道跂望塵躅可也元
符二年五月山陰陸 儼農師序

爾雅新義卷第一

陸氏

爾雅卷上

釋詁第一

初哉首基肇祖元胎倂落權輿始也

初氣之始哉事之始亦物之始首體之始基堂
之始祖親之始元善之始亦體之始胎形之始
初有始而未形故有大初而後有大始倂於人
爲叔於天爲始落於花爲落於實爲始權量之
始輿車之始

林丞天帝皇王后辟公侯君也

皇言道帝言德王言業天覆之林庇之后繼之
辟新之丞熟之按詩君皆具此六七名而同一
實自其所言之異爾君子偕老曰胡然而天也
胡然而帝也序詩者以爲人君服飾之盛可謂
盛矣若伯有長人之道而已子字也男任也春
秋傳曰伯子男一也是以不在此數

宏廓宏溥介純夏撫厖墳嘏丕弈洪誕戎駿假京
碩濯訐宇穹壬路淫甫景廢壯冢簡劉昉睭將業
蓆大也

駿大而高溥專也若崧高可謂駿矣若泰山之雲可謂溥矣宏大爲之廓大謂之郭宇覆所至也詩曰居常與許許魯朝宿之邑嘗薛旁邑舉其遠者也春秋傳曰築臺于薛何譏爾遠也有國乃有京有家乃有冢詩曰三后在天所謂玉京金闕在天之謂也撫而覆昊天之大穹而覆蒼天之大凡詩言昊天望之以其察今撫如此可謂大矣言蒼天望之以其仁今穹如此可謂大矣林君也伯子男壬也壬大而已丕積而大楊子曰積小以大不亦丕乎誕言誕則大故

也詩於公劉言篤於后稷言誕后稷之事誕矣
所謂誕膺駿命蓋若有火復于王屋流爲鳥之
類雖言誕可也廢大或廢焉詩曰無田甫田維
莠騶騶景明而大甫美而大甫田言農夫之慶
大田言寡婦之利大田言自雨甫田言祈之而
雨相備也簡竹間種之則大劉竹倒種之則大
所謂劉彼甫田宜莠而收於大爲倒旺日以至
爲大昉日以反爲大冬至陽反而大夏日至
陰反而大墳物之大路道之大克岐則所謂路
者判矣碩若在滌能碩而已卽在靈囿乃能濯

也純自大也介助之而大詩曰天錫公純嘏又
曰以介景福壯則老矣訏尚往也蠻小而夏大
真小而假大假假也若眉壽萬年可謂假矣業
危而大蓆大而安焉詩曰不如子之衣安且吉
兮弈有爲之大者矣洪莫適爲大也

懽厖有也

有一有一無厖也厖有之而雜懽有之而荒
迄臻極到赴來弔艘格戾懷摧詹至也

迄幾至極窮盡之至詩曰誰因誰極冀其救之
詞故曰救不言次言次非救也到至所止艘則

一
不至以止爲至說文云般舟著不行也戾以至
爲戾鳶飛戾天戾矣我客戾止戾矣來非畫我
也弔以其至至焉詹危不得至也

如適之嫁徂逝往也

如應事而往逝有折而無舍徂且而已適所適
當也

賚貢錫畀予貺賜也

錫易義以爲仁賜易利以爲義春秋所謂來錫
公命仁之而已來賜公命義也蓋易不言無詩
書禮未有言无者禮不言錫詩書易未言賜者

儀若祥淑鮮省臧嘉令類緄穀攻穀介徽善也
所謂若稽禾从反禾則若右轉順善也儀匹之
而已介或助之祥有善而祥隨焉類善之以爲
類鮮善之以爲鮮淑智善嘉禮善令信善臧義
善穀仁善挾冊讀書義善也博塞以遊仁善也
詩曰穀旦于逝言穀亦以此緄處獨之善中論
曰肅肅兔置施于中林處獨之謂也省省而善
之攻攻而善之

舒業順叙也

舒業順叙緒也

凡可次叙者其緒而已

怡懌悅欣衍喜愉豫愷康妣般樂也

悅有稅舍欣有界辨妣沉矣愉或偷焉詩先是
愉後是保以此

悅懌愉釋賓協服也

悅愉懌誠服也釋賓協服之而服

適遵率循由從自也

遵若遵彼汝墳率若率西水滸率太王之事來
朝走馬可謂率矣

適遵率循也

靖惟漠圖詢度咨諏究如慮謨猷肇基訪謀也

圖畫事而圖之猷猶事而猷之謨模事而謨之
基有基而後圖之究窮則謀生焉小猶可惟也
細猶可慮也如其後如之漠以時定也訪就而
謀之靖謀不出其位

典彝法則刑範矩庸恒律夏職秩常也

典邦國之常彝宗廟之常法官府之常則都鄙
之常律樂也夏禮也

柯憲刑範辟律矩則法也

辜辟戾臯也

辟刑所辟戾義所戾辜故爲也

黃髮覲齒鮐背者老壽也

今鮫魚胎生背皮錯戾鮐背者象此魚矣

允孚亶展謚誠亮詢信也

孚自然允以爲然亶厚信謚深信詢徧信亮可

察展可示

展謚允慎亶誠也

謚浪笑敖戲謔也

母則莊矣而愚弄其母是豈可以仁義責哉

粵于爰曰也

粵越也相與不至亦言而已小過曰密雲不雨
已上也于往也相與不至亦言而已小畜曰密
雲不雨尚往也

爰粵于也

爰粵于那都繇於也

於古烏字鵲告喜而已烏告人之凶故於又爲
於于之字於一名而兩讀那都繇於也爰粵于
於也

故邵盍翕仇偶妃匹會合也

在邵之陽邵合也度其鮮原於是爲至